



# دليل الجنسية

الجزء الخامس

**إعداد :**  
وحدة الأبحاث والتدريب

**إصدار :**  
أغسطس - 2022

**براح آمن**   
barahaamen.org

# الموافقة و الرضائية:

## مصطلحات مرتبطة بالعنف

علشان نعرف الموافقة والتراضى لازم قبلها نوضح مجموعة مفاهيم ومصطلحات مرتبطة بالعنف و الممارسات اللي تخلو من الرضى والقبول.

### الإكراه:

الاكراه معناه بمعنى مبسط هو إجبار شخص اخر على ممارسه/الاشترك فى تصرفات معينه بخلاف إرادته، او مجرد محاوله إجباره على ده؛ عن طريق التهديدات او الإصرار اللفظى او التلاعب أو الخداع او بسبب التوقعات الثقافية او بسبب القوة الاقتصادية للشخص الى يمارس الاكراه.

### اساءه المعاملة:

معناها اساءه استخدام القوة، القوة كفكره مجردة مش حاجه مضره، لكن اساءه استخدام القوة هيا دى الى فيها مشكله، اساءه المعاملة بقى بتمنع الأشخاص من انهم يتخذوا قرارات حرة، و بتحبرهم على التصرف عكس/ضد ارادتهم. واكثر فئه ممكن تتعرض لإساءة المعاملة هي الاطفال، لاكثر من سبب؛ لان قوتهم محدوده ولسهوله إرباك الأطفال وخداعهم لمحدودية خبرتهم في الحياه.

### السُلطة:


معناها الاكراه او الاعمال المرتبطة بالإكراه سواء كان الجسدى او النفسى او الاجتماعى، الى ممكن تتلاعب بشخص وتقنعه يتصرف تصرفات عكس ارادته.

## الموافقة:

الموافقة معناها القبول او الرضى الحر و الطوعى، ونحط تحت كلمه طوعى دى كذا خط.

وبالذات بقى لو الموافقه دى تمت بعد تفكير متأن.

و علشان نعرف اذا كان التصرف او اى عمل بيقوم بيه شخص تم ضد إرادته ولا لأ، من المهم جداً اننا نبص على عنصر الموافقه وازاى تمت الموافقة.



## الموافقه الطوعيه "الموافقة المستنيره"

الموافقه الطوعيه او الموافقه المستنيره هي مستوى أعلى من الموافقه. هنا الشخص بيدرك وبيعرف التبعات و النتائج المترتبه على كل اختيار مطروح قدامه.

وبعد ادراكه النتائج والتبعات بيتخذ قراره بحريه وبدون اى إجبار. ويشكل غياب الموافقه الواعيه/المستنيره، عنصر من عناصر تعريف العنف المبنى على النوع الاجتماعى. لانه مش ممكن الحصول على الموافقه فى الحالات اللى بيتم فيها استخدم أي نوع من التعنيف او اى نوع من أنواع القوة (كالعنف البدنى أو الإكراه أو غيرها)



## الإغتصاب:

هو شكل من أشكال الاعتداءات الجنسية واللي من الممكن ان يتضمن إيلاج جنسي أو أي أشكال أخرى من الاختراق الجنسي الي بترتكب تجاه شخص ما دون موافقته.

وقد يرتكب الفعل ده إما بالقوة الجسدية او الإكراه او سوء استخدام للسلطة. وقد يتم تجاه شخص غير قادر على إبداء موافقة صحيحة مثل شخص فاقد للوعي، عاجز، لديه إعاقة فكرية أو تحت السن القانوني لإبداء الموافقة، او مخدر أو مخمور.

- قد يحدث الاغتصاب من شخص قريب / صديق/شريك حميمي/زوج/شخص غريب الخ الخ
- قد يحدث الاغتصاب من رجل على امرأه او امرأه على رجل او رجل على رجل او امرأه على امرأه

## التراضى عن علم ضرورى بس برضه فى حاجات تانيه زى:

- الصحة الجنسية والانجابيه وتحدد الممارسات والتفضيلات بين الشركاء الخ
- الوقايه من الامراض ومعرفه التاريخ المرضى للشريك/ة
- استخدام موانع الحمل و التوافق مع الشريك على الوسيلة المناسبه ليهم هما الاتنين.



## من شروط الموافقه السليمه:

- السن فوق 18 عام
- الإنسان يكون واعي «خمر او مخدرات او ماشبه ذلك تفقد الموافقه السليمه»



# قواعد مهمة جدا مرتبطة بالتراضي عند ممارسة الجنس :

- الموافقة على فعل لا تعنى الموافقة على كل الافعال

- يجب التأكد من موافقه الطرف الاخر على اى فعل قبل البدء به

- الموافقه قابله للتغير والتعديل

- الموافقه فى مره لا تعنى الموافقه المستقبليه

- الرفض الصريح هو الغاء قاطع لاحتمالات التراضى او الموافقه.


- قد يتم لفظيا او غير لفظيا، لكن يجب ان يكون شديد الوضوح ولا يقوم على افتراضات شخصية



• اللي احنا عايزين نقوله هنا ان **الستات عندها جنسانية**، لان الستات زيها زي اي كائن عندها مشاعر وعندها رغبة جنسية، والرغبة الجنسية دي مكانها في الأول والأساس المخ، وبما ان الستات عندها رغبة جنسية فمن حقها أن الرغبة دي يتم التعبير عنها في الأطر اللي بتناسب الستات باختلافاتهن، وحق الستات كمان انهن أوقات يحسوا بوجود الرغبة دي وأوقات تانية لأ ميكونوش حاسين بيها ...

• لما الست بتتعرض لأنها طول حياتها ممنوعة تعبر عن جنسيتها وممنوعة تعبر عن مشاعرها وأفكارها وتخيلاتها حتى بينها وبين نفسها ولما تكبر وتكون في علاقة مع شريكها ميهتمش لمشاعرها ورغبتها الجنسية ولا بيعتبر أنها اصلا عندها رغبة هي في مجتمع وبيئة بتشوف ان الست متلقي سلبي للعلاقة مش شريك وهنا بيحصل ان الشريك بيقوم بممارسات غصب عن الست تخليها تفقد مشاعرها ورغبتها بمحاولة الانبساط أو ممارسة الجنس ... وده بيكون له تأثيرات نفسية كبيرة على حياة الستات وكمان تأثيرات جسدية زي ما هنشوف لأنها بتتمنع من احتياج أساسي ورئيسي زي الأكل والشرب والاحتياج ده هو الاستمتاع الجنسي.

**إستونا هنتكلم بشكل أكبر عن ده فى الخميس الجاى.....**



# دليل الجنسانية

إنتظرو باقى الأجزاء القادمة  
الخميس من كل اسبوع

براح آمن 

barahaamen.org